

causa sopra il matrimonio di Anglittera, ove asai vi fu da contrastare fra li avvocati et procuratori di l'una et l'altra parte, pur niente fu risolto, et il re brava più hora che ancor habbi fatto, così referisse il dottor excusator et altri per Sua Maestà qua et 285* i ambascadori ritornati a questi giorni. Non eri l'altro il signor Cagnino sposò la moglie in conspetto di Nostro Signore e de molti cardinali e di tutto il parentado di l'uno et l'altra parte, li furono fatti bellissimi conventi ma poche altre feste. Non se acompagnerà con essa di parechi giorni et mexi per esser lei puta di 12 in 13 anni.

Questo signor Cagnino fo fiol

Di Roma di 22 febraro al prefato signor duca.

Quello che da poi le altre s' habia di qua sono li avisi che continua li preparamenti dil turco che dicono esser grandi, e che doe volte la persona sua la settimana va in l'arsenal a sollicitar la maistranza de li legni chè si fanno, et Abraim ogni giorno, et che tutto marzo l'armata sarà fuori. Pur non si vede però che questi imperiali faziano alcuna provisione de defendersi ovvero offendere, che dovrebbero haver li avisi veri di queste cose per l'importanza, che gli è nova da ogni lato, o non sono vere o costoro hanno perduto il cervello. Iddio ce la mandi buona. Qui sono avisi di la venuta di l'imperator in Italia, ancor che non gli sia certo di l'arivata sua alla dieta de Ratisbona, ma si bene che ello era in viaggio per condursi dove dicono che presto si expedirà, per venirsene, et ancor che alcuni dicano che'l veria a Roma, pur non si vede se farà la via di Genoa. Nostro Signor andrà con le galere, se si andará a smontar a la Spezia, et de li per terra a Piasenza o a Parma ad abocarsi con Sua Maestà, et secondo che Sua Santità dice non menará seco se non 10 cardinali li più proximi soi parenti et amiei con poche brigate. Laserà qui il restante di la corte cum proposito di esser presto di ritorno a Roma, et dice a mezo il mexe de julio, non so se sarà il vero. Ne l'altro concistoro medesimamente è stata pur disputata la causa matrimoniale de Ingilterra per li avvocati de l'una et l'altra parte, nulla concluso; penso la dilongerano al più che potranno, ancor che li imperiali sollicitano la expeditione et con instantia grande.

A dì 6 marzo in Collegio.

286

Fono extrati dil corpo di Pregadi 17, i qual iusta la parte aldino le differentie di le aque di Chiampo et de qua, tra veronesi et padoani.

Sier Francesco da Mula qu. sier Alvise
Sier Alvixe Soranzo qu. sier Giacomo
Sier Nadalin Contarini qu. sier Hironimo
Sier Zuan Dolfín qu. sier Lorenzo
Sier Michiel da Leze qu. sier Donado
Sier Stefano Memo qu. sier Zorzi
Sier Hironimo Querini qu. sier Piero
Sier Lorenzo Salamon qu. sier Piero
Sier Hironimo Trivixan qu. sier Domenego

Di Pregadi.

Sier Andrea Donado qu. sier Antonio cavalier
Sier Alvise Bon qu. sier Otavian

Zonta.

Sier Piero da chà da Pexaro qu. sier Bernardo, censor
Sier Sebastian di Prioli qu. sier Domenego, Raxon nuove
Sier Lunardo Zantani qu. sier Antonio, X Savi
Sier Pelegrin Venier qu. sier Nadal, al luogo di procuratori
Sier Andrea Zorzi qu. sier Lorenzo, sora le Camere
Sier Giacomo Loredan qu. sier Zuanne, proveditor di Comun.

Da Lignago di sier Antonio Capelo procurator, di 4 marzo, ricevute a dì 7 ditto.
Come servirà ancora in quelle fabriche 12 over 15 giorni in far compir e poner in forteza porto Bem, però di bastioni di terra è fati indietro za do anni, e senza moverli se li vien a far dinanzi la muraia e fato il spalto dil teren che se dia a puzar a quello, come fu fato a do bastioni di qui di muro. *Item*, farà finir la spianada facendo ruinar caxe et albori etc. Et questa fortification ha al mexe da ducati 700 di spesa, salariati al mexe ducati 13, e nel tempo ha auto questo cargo è sta speso da ducati 30 milia etc.

A dì 8. La matina, fo pioza et quasi tutto el 287^o zorno.

(1) La carta 286* è bianca.